

Universitätsbibliothek Paderborn

**Dictamina Seu Scita Variæ Doctrinæ, Politicæ, Moralis,
Stoicæ, Christianæ, & Spiritualis**

Nieremberg, Juan Eusebio

Paderbornæ, 1711

Decas IV.

[urn:nbn:de:hbz:466:1-50306](#)

ele- potest, semel illata nequit revocari. Con-
& a- nivendum quandoque. Præstat decipi,
ici- quām dissidere. Gloriosum est Principi
Ju- condonare suis, & quasi ignorare, quod,
iæ, si scisset, dissimulandum non erat.

DECAS IV.

31. Damnosius malum est seditio, quām
bellum. Illud principio sui est medicabile;
dum proficit, mortale: sed & cùm decli-
nat, pernitiosum. Ex complicibus casti-
gandi pauci, sed acerrimè; cæteri clemen-
tia obstringendi. Nulli omnino parcere
periculoseum est. Tantùm perdis, quan-
tùm sævieris. Verùm aliud est seditio, a-
liud querela. Hanc præstat negligere, illi
tempestivè occurrere.

32. Plùs timeat Princeps opera sua, ac
hostes alienos. Non vereatur mala susti-
nere, sed facere: ex his enim illa nascun-
tur. Hæc est differentia Regis & Tyranni.
Rex timet subditis, Tyrannus subditos.
Ille metuit, nè quid mali eveniat suis, iste
nè quid sibi à suis. Status Principis duo-
bus conservantur, authoritate & amore;
authoritas verò metu, & admiratione.
Ipsa gubernandi ratio conciliat stup-
rem

rem, potentia timorem, virtus amorem.

33. Adsint Regi, qui gubernantem adjuvent, ast imperare nonnisi solus debet. Facilis audiat consulentes, invitus blandientes. Pungunt hi etiam repulsi. & si quandoque non nocuerint, nunquam videas profuisse. Consiliis ipse assistat: nam mille dolis expositus est, qui ex solo illo judicat, quod refertur.

34. Qui nimium dejectus est, cum patitur, nimium quoque arrogans est, cùm imperat. Nequit alios gubernare, qui non novit alios sufferre; neque unquam bene præest, qui suspicionibus subest. Tum solum securus est de obsequio, quando diffidentia non est in subdito. At qui supervacuâ sollicitudine metuque agitur, an, & qui, quæ imperavit, adimpleantur, næ ille vel populum ineptè recturus est, vel scopum gubernationis ægre obtenturus; dicendus magis Custos invitrorum, quam Præses liberorum.

35. Quem primæ statim Relationes occupant, aut difficultates dejiciunt, ineptus est gubernando. Magnanimitate opus est, & animo imperterritu, qui nesciat turbari

turbari illico, aut in quamcunque partem detorqueri. Quidquid allabatur seu boni seu mali, imò illud cujuscunque ponderis, leve videridebet, & commotione suâ indignum.

36. Studiosè advertendum est Principi in differentiam, quæ in distribuendis præmiis, & conferendis munib[us] intercedit. Præmium respiciat merita, munus habilitatem. Proinde non sunt præmianda servitia officijs, si præmiandū destituat aptitudo: quin imò si duo in idē competunt, quorum alterum merita commendant, fallit idoneitas: alteri habilitas suffragatur, at merita defunt, huic tamen præ illo conferendum erit. Consiliarios illos fideiores censeat, non qui studio placendi ubique applaudunt, sed qui quandoque dissentunt. Amet vera svaderi, non arribentia.

37. Eximiæ Præfecturæ non sunt committendæ plebejis, sed Nobilibus. & ingenuè natis; Multùm valet apud omnes, quæ in hominibus est, nascendi felicitas. Securiùs ab his procuratur Pax, & Justitia Regnorum. Nam qui plurimùm debet
sanguī-

sanguini, obstrictum se quoque sentit virtuti; neque tam facile deest officio suo, & hac & illo stimulante ad gloriam. Attamen munia non excedant fungentium merita, neque uno impetu evehantur ad maxima, quos nondum exercuerunt minora. Evectio immodica invidiae prostat, neque ullos videoas graviori censura vexari, quam qui unico saltu evaferunt ad summa.

38. In Consiliariis, aut Regiis Ministris praestat ingenium quietum ac maturum, acri & curioso. Praesumptio non felicitat eventus, nec emendat errores, in quos induxit. Tractanti cum litigiosis, & diversa ambientibus nihil æquè opus est ac patientiâ & moderatione; tum ut mitiget labores officii, tum ut imminuat molestias importunitatis. Præcipitare, aut non resolvere, utrumque extremum est. Minus tamen peccat impatientia, quam morositas. Adverte magis, quid svadere deceat, quam quid possit evenire. Eventus enim non cadunt sub industriam humanam, sed prudentia & recta ratio judicandi. Insistere opinioni suæ pertinacia est,

est, quam perperā constantiam appellāris.

39. Leges Rationi, Magistratus Legibus aptentur. Ubi munia venalia sunt, nunquā videris res prosperè geri. Pessimū est ab officiis ali, qui officiis funguntur. Habeant stipendia sua, unde vivant, unde videri possint, quod sunt. Sciant autē everti authoritatē suam, uti initio Præfecturæ licet minima videtur esse maxima, ita successu temporis, quæ maxima fuerit, apparituram uti minimam; dum scilicet primo ad officium accessu humiles, ipso imperandi usu facti fuerint intolerabiles. Nusquam videbis hominem tam insensibiliter turgere, quam ubi cæperint aliis præesse. Quò submissius isti parent, hoc arrogantiū illi dominantur. Ubi verò in opponentem sese incurront, frænum laxant potestati, in obstacula magis ausuræ; sicque sua diffundunt imperia.

40. Forma Regiminis ut apta sit, tribus conditionibus constet, oportet. Sit strictum, sit severum, & constans. Per severitatem non accipe durissimum illud gubernandi genus, quo vel labecula sanguine expiatur: sed serietatem executio-

nis per media rigoris, & lenitatis promovendæ. Per strictum intellige Principis munus, nè, quod ipsius est, divisum sit, aut alteri communicatum imperium. Constantia vult gubernari omnia juxta leges, & veteres mores quocunque accidente non facile innovandos.

DECAS V.

41. Timenda est Principi adolescentia sua, præsertim ubi fervorexuberat, & experientia deficit. Ætatem illam maturiori credat, ejusque consiliis subdat. Sit licet ingenio felix, non fidat. Quò enim illud acrius est aut fæcundius, eò faciliùs ut bonorum etiam agrorum inculta, inutili segete luxuriant. Ab aliena manu accipienda est sementis, ut feliciter germinet. Mens vivacior suo seigne consumit. Prudentia non solo usu comparatur, præparanda est studio, & præceptis.

42. Nunquam apud suos eo loco sit Princeps, ut necesse habeant vel tacere veritatem vel amittere gratiam. Amet virtuosos, faciatque se à virtuosis amari; eosque liberè versari secum absque periculo virtutis. Actionibus suis securitatem imperet